

iuxta *Ephes. cap. V. 4.* in lectionibus suis sic dictis cursoriis pluribus sit expositurus, omnium collegiorum proceres ac antistites, nec non splendidam studiosorum coronam, ut iisdem frequentes interesse velint, humanissime & peramanter inuito. P. P. Sub sigillo facultat. theolog. die XIV. Iunii, M DCC XXII.

* * * * *

TESTIMONIA

VETERVM QVORVMDAM POMERANIAE THEOLOGORVM
DE VERA NOTITIA THEOLOGICA, ET IL-
LUMINATIONE.

I. De notitia vera rerum sacrarum.

Irchen-Ordnung fol. 2. facie 2. Es soll gelehret werden, daß niemand könne zu Christo und zur wahren Erkenntnis Gottes kommen, er höre denn Gottes Wort, und gläube demselben, und sey demselben gehorsam. Atqui impii non obsequuntur verbo. Ergo &c.

ABRAH. BATTVS, *Log. & Metaph. Prof. deinde Super. Gen. in analysi logica ep. ad Rom. cap. XII. th. 3. 4.* Controuertitur vltorius: an theologia sit habitus theoreticus vel practicus? Nos, alienis nuncium missis, magni facimus imprimis neruosam theologiae definitionem, quam haud obscure Paulus ad *Tit. I. v. 1. & 2.* tradidit, quod scilicet sit *ἐπίγνωσις ἀληθείας τῆς κατ' εὐσέβειαν ἐπ' ἐλπίδι ζωῆς αἰωνίας*, agnitio veritatis, quae est secundum pietatem, in spe vitae aeternae. Vbi duo illa, *ἀλήθειαν & εὐσέβειαν* profus arctissime connectit apostolus, ita, ut alterutra sublata, protinus exspiret nomen verae theologiae. Quocum congruit & ea descriptio, qua eandem apostolus *I Tim. VI. 3.* vocat *διδασκαλίαν κατ' εὐσέβειαν*: eo haud obscure innuens, theologiam magis esse virtutis, quam artis, magisque consistere in opere & efficacia, quam in contemplatione & notitia, ut loquitur Alex. Alens. part. I. num. I. art. 2.

IOANNES MICHAELIS, *Theol. Prof. in acad. Gryph. & Past. Iacob. in coroll. 12. ad disp. aurea salutis catena &c.* Grauius Lutherus *tom. II. Ien. lat. praef. in comment. super psalm.* Ego hoc video,

C

non